

0.0.1 loṇaphalasuttaṃ

1. yo bhikkhave evaṃ vadeyya: yathā yathā'yaṃ puriso kammaṃ karoti, tathā tathā naṃ paṭisaṃvediyatī'ti. evaṃ santaṃ bhikkhave brahmacariyavāso na hoti. okāso na paññāyati sammā dukkhassa antakiriyāya.

2. yo ca kho bhikkhave evaṃ vadeyya: yathā yathā vedanīyaṃ ayaṃ puriso kammaṃ karoti, tathā tathāssa¹ vipākaṃ paṭisaṃvediyatī'ti. evaṃ santaṃ bhikkhave brahmacariyavāso hoti, okāso paññāyati sammā dukkhassa antakiriyāya.

3. idha bhikkhave ekaccassa puggalassa appamattakampi pāpaṃ² kammaṃ kataṃ, tame'naṃ nirayaṃ upaneti. idha pana bhikkhave ekaccassa puggalassa tādisaṭṭeva appamattakaṃ pāpaṃ kammaṃ kataṃ diṭṭhadhammavedanīyaṃ hoti. nāṇumpi³ khāyati. kiṃ⁴ bahudeva.

4. kathaṃrūpassa bhikkhave puggalassa appamattakampi pāpaṃ⁵ kammaṃ kataṃ tame'naṃ nirayaṃ upaneti?

¹tathā tassa- machasaṃ

²pāpakammaṃ - machasaṃ

³nāṇupi - machasaṃ

⁴'kiṃ' natthi - simu, pts

⁵pāpakammaṃ - machasaṃ

5. idhapana bhikkhave ekacco puggalo abhāvitakāyo hoti abhāvitasīlo abhāvitacitto abhāvitapañño paritto appātumo appadukkhavihārī, evarūpassa bhikkhave puggalassa appamattakampi pāpaṃ kammaṃ kataṃ tame'naṃ nirayaṃ upaneti.

6. kathaṃrūpassa bhikkhave puggalassa tādisaṭṭeva appamattakaṃ pāpaṃ⁶ kammaṃ kataṃ diṭṭhadhammavedanīyaṃ hoti, nāṇumpi⁷ khāyati, kiṃ⁸ bahudeva?

7. idha bhikkhave ekacco puggalo bhāvitakāyo hoti bhāvitasīlo bhāvitacitto bhāvitapañño aparitto mahattā⁹ appamāṇavihārī. evarūpassa bhikkhave puggalassa tādisaṭṭeva appamattakaṃ pāpaṃ kammaṃ kataṃ diṭṭhadhammavedanīyaṃ hoti nāṇumpi khāyati. kiṃ bahudeva.

8. seyyathā'pi bhikkhave puriso loṇaphalaṃ¹⁰ paritte udakamallake¹¹ pakkhipeyya, taṃ kiṃ maññatha bhikkhave api nu taṃ parittaṃ udakamallake udakaṃ amunā loṇaphalena loṇaṃ assa appeyyāti?

9. evaṃ bhante.

⁶pāpakammaṃ - machasaṃ

⁷nāṇupi-machasaṃ

⁸'kiṃ' natthi simu. pts

⁹mahatto -machasaṃ

¹⁰loṇakapalla - machasaṃ

¹¹udakapallake-machasaṃ.

10. taṃ kissa hetu?

11. aduṃ hi bhante parittaṃ udakamallake¹² udakaṃ amunā loṇaphalena loṇaṃ assa appeyyāti.

12. seyyathā'pi bhikkhave puriso loṇaphalaṃ gaṅgāya nadiyā pakkhipeyya, taṃ kiṃ maññaṭṭha bhikkhave api nu sā gaṅgā nadī amunā loṇaphalena loṇaṃ assa appeyyāti?

13. no hetuṃ bhante.

14. taṃ kissa hetu?

15. asu hi bhante gaṅgāya nadiyā mahā udakakkhandho. so amunā loṇaphalena loṇaṃ neva'ssa appeyyāti.

16. evameva kho bhikkhave idhekaccassa puggalassa appamattakampi pāpaṃ kammaṃ kataṃ tame'naṃ niraṃyaṃ upaneti. idha pana bhikkhave ekaccassa puggalassa tādisaṭṭeva appamattakaṃ pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

¹²udakapallake-machasaṃ.

17. kathamrūpassa bhikkhave puggalassa appamat-takampi pāpaṃ kammaṃ kataṃ tame'naṃ nirayaṃ upaneti?

18. idha bhikkhave ekacco puggalo abhāvitakāyo hoti abhāvitasīlo abhāvitacitto abhāvitapañño paritto ap-pātumo appadukkhavihārī. evarūpassa bhikkhave pug-galassa appamattakampi pāpaṃ kammaṃ kataṃ ta-menam nirayaṃ upaneti.

19. kathaṃ rūpassa bhikkhave puggalassa tādisaṭṭeva appamattakam pāpaṃ kammaṃ kataṃ diṭṭhadhamma-vedanīyaṃ hoti, nāṇumpi khāyati, kiṃ bahudeva?

20. idha bhikkhave ekacco puggalo bhāvitakāyo hoti bhāvitasīlo bhāvitacitto bhāvitapañño aparitto mahattā appamāṇavihārī. evarūpassa bhikkhave puggalassa tādisaṭṭeva appamattakampi pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

21. idha bhikkhave ekacco addhakahāpaṇena'pi band-dhanam nigacchati. kahāpaṇena'pi banddhanam nigac-chati. kahāpaṇasatena'pi banddhanam nigacchati. idha pana bhikkhave ekacco addhakahāpaṇena'pi na ban-dhanam nigacchati. kahāpaṇena'pi na banddhanam ni-gacchati. kahāpaṇasatena'pi na banddhanam nigacchati.

22. kathamrūpo bhikkhave addhakahāpaṇena'pi bandhanam nigacchati, kahāpaṇena'pi bandhanam nigacchati, kahāpaṇasatena'pi bandhanam nigacchati?

23. idha bhikkhave ekacco daḷiddo hoti appassako appabhogo. evarūpo bhikkhave addhakahāpaṇena'pi bandhanam nigacchati. kahāpaṇena'pi bandhanam nigacchati. kahāpaṇa satena'pi bandhanam nigacchati.

24. kathamrūpo bhikkhave addhakahāpaṇena'pi na bandhanam nigacchati, kahāpaṇena'pi na bandhanam nigacchati, kahāpaṇasatena'pi na bandhanam nigacchati?

25. idha bhikkhave ekacco aḍḍho hoti mahaddhano mahābhogo. evarūpo bhikkhave addhakahāpaṇena'pi na bandhanam nigacchati, kahāpaṇena'pi na bandhanam nigacchati kahāpaṇasatena'pi na bandhanam nigacchati.

26. evameva kho bhikkhave idhekaccassa puggalassa appamattakampi pāpaṃ kammaṃ kataṃ tame'naṃ nirayaṃ upaneti. idha pana bhikkhave ekaccassa puggalassa tādisaṭṭeva appamattakam pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

27. kathamrūpassa bhikkhave puggalassa appamattakampi pāpaṃ kammaṃ kataṃ tame'naṃ nirayaṃ

upaneti?

28. idha bhikkhave ekacco puggalo abhāvitakāyo hoti abhāvitasīlo abhāvitacitto abhāvitapañño paritto appātumo appadukkhavihārī. evarūpassa bhikkhave puggalassa appamattakampi pāpaṃ kammaṃ kataṃ tamenaṃ nirayaṃ upaneti.

29. kathaṃ rūpassa bhikkhave puggalassa tādisaṭṭeva appamattakaṃ pāpaṃ kammaṃ kataṃ diṭṭhadhammavedanīyaṃ hoti, nāṇumpi khāyati, kiṃ bahudeva?

30. idha bhikkhave ekacco puggalo bhāvitakāyo hoti bhāvitasīlo bhāvitacitto bhāvitapañño aparitto mahattā appamāṇavihārī. evarūpassa bhikkhave puggalassa tādisaṭṭeva appamattakampi pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

31. seyyathā'pi bhikkhave orabbhiko vā urabbhaghātako vā appekaccaṃ urabbhaṃ adinnaṃ ādiyamānaṃ pahoti hantaṃ vā bandhitaṃ vā jāpetuṃ vā yathāpaccayaṃ vā kātuṃ, appekaccaṃ urabbhaṃ adinnaṃ ādiyamānaṃ nappahoti hantaṃ vā bandhitaṃ vā jāpetuṃ vā yathāpaccayaṃ vā kātuṃ.

32. kathaṃ rūpo bhikkhave orabbhiko vā urabbhaghātako vā urabbhaṃ adinnaṃ ādiyamānaṃ pahoti han-

tum vā bandhitum vā jāpetum vā yathāpaccayaṃ vā kātum?

33. idha bhikkhave ekacco daḷiddo hoti appassako appabhogo. evarūpo bhikkhave orabbhiko vā urabbhaghātako vā urabbhaṃ adinnaṃ ādiyamānaṃ pahoti hantum vā bandhitum vā jāpetum vā yathāpacca-yaṃ vā kātum.

34. kathaṃrūpaṃ bhikkhave orabbhiko vā urabbhaghātako vā urabbhaṃ adinnaṃ ādiyamānaṃ nappahoti hantum vā bandhitum vā jāpetum vā yathāpacca-yaṃ vā kātum?

35. idha bhikkhave ekacco aḍḍho hoti mahaddhano mahābhogo rājā vā rājamahāmatto vaṃ. evarūpaṃ bhikkhave orabbhiko vā urabbhaghātako vā urabbhaṃ adinnaṃ ādiyamānaṃ nappahoti hantum vā bandhitum vā jāpetum vā yathāpaccayaṃ vā kātum. añña-datthu pañjaliko'va naṃ yācati: dehi me mārisa urabbhaṃ vā urabbhadhanaṃ vā'ti.

36. evameva kho bhikkhave idhekaccassa puggalassa appamattakampi pāpaṃ kammaṃ kataṃ tame'naṃ nīrayaṃ upaneti. idha pana bhikkhave ekaccassa puggalassa tādisaṭṭeva appamattakaṃ pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

37. kathamrūpassa bhikkhave puggalassa appamat-takampi pāpaṃ kammaṃ kataṃ tame'naṃ nirayaṃ upaneti?

38. idha bhikkhave ekacco puggalo abhāvitakāyo hoti abhāvitasīlo abhāvitacitto abhāvitapañño paritto appātumo appadukkhavihārī. evarūpassa bhikkhave puggalassa appamattakampi pāpaṃ kammaṃ kataṃ tamenaṃ nirayaṃ upaneti.

39. kathaṃ rūpassa bhikkhave puggalassa tādisaṭṭeva appamattakam pāpaṃ kammaṃ kataṃ diṭṭhadhamma-vedanīyaṃ hoti, nāṇumpi khāyati, kiṃ bahudeva?

40. idha bhikkhave ekacco puggalo bhāvitakāyo hoti bhāvitasīlo bhāvitacitto bhāvitapañño aparitto mahattā appamāṇavihārī. evarūpassa bhikkhave puggalassa tādisaṭṭeva appamattakampi pāpaṃ kammaṃ kataṃ diṭṭhadhammavedanīyaṃ hoti. nāṇumpi khāyati. kiṃ bahudeva.

41. yo bhikkhave evaṃ vadeyya: yathā yathā'yaṃ puriso kammaṃ karoti, tathā tathā naṃ paṭisaṃvediyatī'ti. evaṃ santaṃ bhikkhave brahmacariyavāso na hoti. okāso na paññāyati sammā dukkhassa antakiri-yāya.

42. yo ca kho bhikkhave evaṃ vadeyya: yathā yathā vedanīyaṃ ayaṃ puriso kammaṃ karoti, tathā tathā

assa vipākaṃ paṭisaṃvediyatī'ti, evaṃ santaṃ bhikkhave brahmacariyavāso hoti, okāso paññāyati sammā dukkhassa antakiriyaṃ'ti.